

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 Sisimiuni Ilinniartitaanermut Immikkoortortami aningaasaqarnermut nalunaarussiaq, Januar, Februar aammalu Marts 2020-imi.

Imm. 03 Maniitsumi Ilinniartitaanermut Immikkoortortami aningaasaqarnermut nalunaarussiaq, Januar, Februar aammalu Marts 2020-imi.

Suliassat nalinginnaasut

Imm. 04 Kivitsisa suliniutip sivitsorneqarnissaa aamma killiffik

Paasissutissiissutit

Imm. 05 Ulluunerani paaqqinnittarfiit pillugit tusarniaaneq

Imm. 06 Attaveqaatinut isumasioqatigiisitsineq pillugu ilisimatitsissut 2019

Imm. 07 Siulittaasup februaarimi marsimilu 2020-mi avataaniit sulisoqarnissamut qinnuteqaatit pillugit aalajangiinera pillugu paasissutissiissut, Majoriaq Maniitsoq Sisimiullu.

Imm. 08 Tamalaat.

Ataatsimiinneq aallartippoq nal.: 08:30

Peqataasut:

***Siumut Evelyn Frederiksen, Frederik Olsen, Ruth Heilmann
Atassut Siverth K. Heilmann***

Inuit Ataqatigiit Sofie Dorthe R. Olsen

Nalunaaruteqarlutik peqataannngitsut:

Nalunaaruteqaratik peqataannngitsut:

Imm. 01. Oqaluuserisassat akuerineri

Aalajangiineq:

Immikkoortoq 3 peerneqarallarpoq.

Oqaluuserisassat akuerineqarput.

Aningaasaqarnermut tunngasut

Imm. 02 Sisimiuni Ilinniartitaanermut Immikkoortortami aningaasaqarnermut nalunaarusiaq, Januar, Februar aammalu Marts 2020-imi

Journalnr. 06.01.02

Tunuliaqutaq

Sisimiuni Ilinniartitaanermut Immikkoortortap Januar, Februar aammalu Marts 2020-imi missingsuutitigut malinnaatitsineq matumuuna saqqummiuppaa.

Maleruagassatigut tunngavissat

Qeqqata Kommunianni karseqarnermut naatsorsuuserinermullu malittarisassat. Ilinniartitaanermut ataatsimiititaliap pisinnaatitaaffiinut tunngatillugu inatsisit atuuttut.

Pissutsit atuuttut

Atuineq ukiumut tamarmiusumut Januar, Februar aammalu Marts 2020 atuineq 24,99 procent-imiissaaq.

Maannakkumut aningaasartuutaasut inissititernerat suli iluarsartuunneqarluni ingerlavoq, takuneqarsinnaavorlu ilaatigut Igloo Mountain ataasiinnaanngitsuni inissititserneqarsimasoq. Iluarsartuussineq suli ingerlavoq, inissititinerillu aaqqinneqassallutik. Atuarfeqarfimmut aningaasartuutit ataatsimoortut maannakkumut qaammammut akissarsiat siumoortut kingumoortullu aammalu tiimimusiallillu tamarmik ataatsimut naqqinneqarsimapput aamma taanna aaqqiniarlugu suliaq ingerlavoq taamaattumik 355%-mik qaangiisumasutut isikkoqarallartutut inissisimavoq, kontomi allami atuinertut isikkoqarmata. Taamaattumik atuinermik takussutissiinermi taamaallaat maluginiaqqunarput ataatsimut isigalugu atuisimanermik takussutissiissutit.

Imaqarniliaq Ilinniartitaanermut ataatsimiititaliap April-ip. 14-ani 2020-imi ileqqusumik ataatsimiinnera 03/2020

Konto 571 – Ilinniartitaaneq Sisimiut + Nunaqarfiit.

Udvalg for Uddannelse, Sisimiut	Forbrug l % af Budget	Budget 2020	jan-20	feb-20	mar-20	Forbrug l alt	Forholds- mæssigt Forbrugs %	Rest forbrug %
571010000 SIS Uddannelse Stab	96%	3.939.000	401.554	268.494	281.886	951.934	97%	76%
571020100 SIS Fritid Stab	119%	2.665.000		241.829	3.352	245.181	37%	91%
571020201 SIS Musikskole			123.163	155.096	88.997	367.255		
571020202 SIS Ungdomsskolen Sisimiut	2%	1.610.000	18.292		868	19.161	5%	99%
571020203 SIS Fritidsundervisning Sisimiut	107%	310.000		12.346	47.245	59.591	77%	81%
571020204 SIS Fritidsundervisning Kangerlussuaq	105%	86.000	347	27.364	13.209	40.920	190%	52%
571020205 SIS Fritidsundervisning Sarfannguit	17%	78.000				-	0%	100%
571020206 SIS Fritidsundervisning Itilleq	2%	46.000		1.278	2.557	3.835	33%	92%
571020301 SIS Sukorsit Sisimiut	124%	2.644.000	291.146	246.911	221.505	759.562	115%	71%
571020302 SIS Svømmebadet Sisimiut	133%	792.000	6.232	150		6.382	3%	99%
571020303 SIS Fritidsklub Kangerlussuaq	105%	1.220.000	55.801	72.457	113.161	241.419	79%	80%
571020304 SIS Skolepasning Kangerlussuaq	127%	543.000	52.512	40.029	47.690	140.232	103%	74%
571020305 SIS Skolepasning Sarfannguit				4.845		4.845		
571020401 SIS Kultur og Folkeoplysningafld	106%	590.000	58.636	3.889	48.139	110.664	75%	81%
571020402 SIS Amerloq	62%	207.000	7.158	9.504	22.374	39.037	75%	81%
571020501 SIS Bibliotek Sisimiut	93%	1.297.000	123.489	108.095	82.351	313.935	97%	76%
571020502 Bibliotek Kangerlussuaq	87%	151.000	12.727	11.285	9.185	33.197	88%	78%
571020503 SIS Bibliotek Sarfannguit	184%	16.000	2.650	1.531	1.881	6.062	152%	62%
571020504 SIS Bibliotek Itilleq	124%	16.000	223	425	350	998	25%	94%
571020601 SIS Lokalmuseum Sisimiut	80%	1.958.000	152.274	161.518	178.297	492.090	101%	75%
571020801 SIS Tilskud F-K formål Sisimiut	108%	8.845.000	810.191	1.069.909	1.177.255	3.057.355	138%	65%
571020802 SIS Tilskud F-K formål Kangerlussuaq	5%	77.000				-	0%	100%
571020803 SIS Tilskud F-K formål Sarfannguit	91%	243.000	1.832	77	-123	1.786	3%	99%
571020804 SIS Tilskud F-K formål Itilleq	78%	202.000	8.103		7.305	15.408	31%	92%
571020901 SIS Idrætshallen Kangerlussuaq	78%	1.951.000	80.461	67.448	102.338	250.246	51%	87%
571030100 SIS Skole Stab				14.500		14.500		
571030200 SIS Skoleforvaltning	355%	2.597.000	676.661	722.869	582.425	1.981.956	305%	24%
571030301 SIS Minngortuunnguaq Atuarfia	110%	32.372.000	3.716.603	2.361.607	2.534.555	8.612.765	106%	73%
571030302 SIS Nalunnguarfiup Atuarfia (Skole 2)	105%	33.717.000	3.385.200	2.234.012	2.707.033	8.326.246	99%	75%
571030303 SIS Qinnnguata Atuarfia Kangerlussuaq	104%	8.153.000	620.027	502.996	600.185	1.723.208	85%	79%
571030304 Skole Sarfannguit	120%	2.314.000	284.110	171.618	210.919	666.648	115%	71%
571030305 SIS Skole Itilleq	91%	1.879.000	161.617	130.467	137.446	429.529	91%	77%
571040100 SIS Dagsinstitutioner Stab	96%	617.000	365.668	391.552	361.958	1.119.178	726%	-81%
571040201 SIS Nuka Sisimiut	111%	4.538.000	388.504	404.780	346.890	1.140.174	101%	75%
571040301 SIS SISI Sisimiut	96%	3.703.000	245.128	220.204	248.330	713.662	77%	81%
571040401 SIS Naasoq Sisimiut	93%	3.242.000	238.340	279.213	219.525	737.077	91%	77%
571040402 SIS Sikkersooq Sisimiut	112%	3.219.000	303.697	285.153	292.808	881.658	110%	73%
571040501 SIS Naalu Sisimiut	102%	4.354.000	399.639	346.068	462.415	1.208.122	111%	72%
571040502 SIS Naja/Aleqa Sisimiut	116%	3.481.000	326.207	261.693	263.486	851.386	98%	76%
571040503 SIS Ungannguaq Sisimiut	96%	3.453.000	299.845	275.622	274.572	850.038	98%	75%
571040504 SIS Nuniaffik Sisimiut	103%	4.557.000	432.987	505.566	358.393	1.296.946	114%	72%
571040505 SIS Kanaartaq Sisimiut	96%	4.511.000	433.448	378.594	419.377	1.231.419	109%	73%
571040506 SIS Uiaq Sisimiut	102%	4.514.000	379.468	366.763	313.599	1.059.830	94%	77%
571040507 SIS Nuka Kangerlussuaq	94%	4.018.000	264.805	280.827	289.397	835.029	83%	79%
571040601 SIS Nasunnguaq Sarfannguit	97%	1.331.000	96.529	81.990	74.180	252.699	76%	81%
571040602 SIS Nuunu Itilleq	102%	1.205.000	94.369	120.427	107.809	322.605	107%	73%
571040603 SIS Kommunal Døgnpleje	50%	1.114.000	81.586	51.824	71.800	205.210	74%	82%
571050100 SIS Qeqqani MISI (Psykolog)	79%	3.628.000	273.574	286.449	213.436	773.459	85%	79%
571060100 SIS Majoriaq Stab	11%	4.759.000	180.959	84.972	170.180	436.111	37%	91%
571060200 SIS Kollegium Sisimiut	229%	369.000	16.393	29.643	-68.417	-22.381	-24%	106%
571060300 SIS Nutaaliorfeeraq værkstedsforløb			69.856	-43.720	216.219	242.355		
571060400 SIS Arbejdsmarkedsområdet	69%	7.154.000	370.022	733.361	440.921	1.544.304	86%	78%
I alt pr. 31-03-2020	104%	174.285.000	16.312.034	13.983.532	14.299.264	44.594.829	102%	74%

Meeqqeriviit Sisimiut + Nunaqarfiit.

Meeqqerivinni ataatsimut isigalugu ukiumut peqqumaatissanut aserfallassimasunullu inniminniinerit qaammatit siulliit atornerqarput, ukuusunut eqqiaanermut atorussanik inniminniinnerit, saniatigullu illullu iluani atorutussut allat aserfallassimasut ukiup aallartinnerani taarsersorneqarput.

Atuinerit tamarmik aningaasaliissutaasunut qaangiinngillat taamaattumik ukiup sinneranut inniminneeqqinnissaq tamakkikannilerlutik inniminniinerat meeqqerivinni tamani.

Atuarfeqarfiit Sisimiut + Nunaqarfiit.

Minngortuunnguup Atuarfia:

Ukiumut atuartsinermut atortussanut kiisalu akissarsianut atuinernut aningaasartuutit atornerqarput.

MISI:

Sulilluni angalaneq pivoq Januar 2020-mi aningaasartuutaasussannut ukiup sinneranut sinniisoqanngilaq, aammalu allaffimmi atortussanik inimmiineq pivoq aammalu aningaasartuutissat iluanni sinniisoqarani.

Sunnigiffimmi sammisassaqaqtitsineq Sisimiut nunaqarfillu.

Atuagaateqarfeqarneq katersugaasiviillu

Atuinermi akissarsianut atortussanullu aningaasartuutit aningaasaliissutinut naleqquttumik ingerlapput

Sukorsit:

Eqqiaanermut atortussanik ukiup sinneranut atugassanik siumoortumik inniminniinermut aningaasartuuteqangaatsiarput, aammalu illup iluani iigaq qalipanneqarnera aningaasartuutini annerusunut ilaavoq.

Nipilersornermik ilinniarfik:

Maannakkumut aningaasartuutinik nalinnginnaasut kisimik ingerlapput.

Kultur-imut tunngasut Sisimiut + Nunaqarfiit.

Ukiup nutaap aallartinneraniit maannakkumut timersornermut tunngasunut sulii Qeqqata Kommunia tapiissuteqanngilaq.

Majoriaq

Maannakkumut aningaasartuutinik nalinnginnaasut kisimik ingerlapput

Innersuussut:

Ilinniartitaanermut ataatsimiititaliamut innersuussutigineqarpoq Januar, Februar aammalu Marts 2020 aningaasaqarnermut nalunaarusiaq tusaatissatut tiguneqassasoq.

Aalajangiineq:

Tusaatissatut tiguneqarpoq

Ilanngussaq:

*Imaqarniliaq Ilinniartitaanermut ataatsimiititaliap April-ip. 14-ani 2020-imi ileqquusumik
ataatsimiinnera
03/2020*

Imm. 03 peerneqarallarpoq

Suliassat nalinginnaasut

Imm. 04 Kivitsisa suliniutip sivitsorneqarnissaa aamma killiffik

Journal nr. 51.00

Tunuliaqutaq

kommunit ataatsimoorussamik iPads-inik meeqqat atuarfinillu suliniuteqarnermut atatillugu, kommunit ataatsimoorussamik ingerlatsivianik I/S-imik pilersitsinissaq Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap januaarip 29-ani 2018-imi ataatsimiinnerani kiisalu Aningaasaqarnermut atatsimiititaliap februaarip 13-ani 2018 atatasmiinnerani akuersissutigineqarpoq.

Kommunit allat suleqatigalugit nunarput tamnakkerlugu meeqqat atuarfianni iPad-nik atuutilersitsinissaq aammalu meeqqat atuarfiannik ineriartortitsinissaq ukiuni tallimani piulersinneqarnissaa naatsorsuutigineqarpoq.

Siulittaasut kingullermik ataatsimiinnerani, pisortaqatigiit innersuussineratigut Kivitsisa-p ukiup affaanik sivitsorneqarnissaa siulersuisunit aalajangiunneqarpoq.

Maleruagassatigut tunngavigisag

Atuarfik pillugu Inatsisartut inatsisaat nr. 15, 3. December 2012-imeersoq

Pissitsit atuuttut

Suliniut Kivitsisa qallunaat aningaasaateqarfiannit sisamaasunit taperserreqarluni 50 mio. koruuninik aningaasaliffigineqarpoq. Qeqqata Kommunian aamma Kommune Kujalleq 2013-14-imi meeqqat atuarfiini iPad-it atulersinneqarnissaannut Villumfonden-imit 17 mio. koruuninik aningaasaliffigineqarnikooreemata, aningaasat suliniummut nutaamut Kivitsisamut atugassat kommuninut aatsaat iPad-inik atuilersussat salliutinneqarput, pingaartumik avannaani kommunit marluusunut.

2018-19-imi suliniutip Kivitsisap aallartisarnerani atuarfinni aqutsisut ineriartortinneqarnissaannut suliniutit aamma Nunarsuarmi anguniakkat ineriartortitsinissaat Qeqqata Kommunianit pingaartinneqarnikuupput. Kommuninut allanut sanilliullugu 2018-19-imi iPad-inut toqqaannartumik suliniutaanngitsut Qeqqata Kommuniata salliussimavai. Tassunga ilaatigut naliliinermi tunngaviulluni allaffissornikkut aqutsisut atuarfiillu nukittorsarnerat kivitinerpaasuussasoq, ilatigut nalinginnaasumik suliniuteqarnikkut nutaaliarluni perorsaanermi (Nunarsuarmi anguniakkat) ilinniartitsisut tamakkerlugit ilaatinneqalissammata taamaalilluni toqqaannanngitsumik iPad atuutilersinneqassalluni.

Qeqqata Kommuniata nammineq iPadinut suliniutaanut aningaasat 2018-19-imi iPadink nutaanik pisinissamut salliunneqarput. Ilutigalugu Maniitsumut aamma Sisimiunut immap naqqatigut kabelip ingerlaaveqalerneratigut, Qeqqata Kommuniani atuarfiit kiisalu nunaqarfiit nalinginnaasumik internettimut aqquteqalernissaat pitsaanerusunillu periarfissaqalernissat suliniutigineqarnikuuvoq.

Atuarfinni aqutseriaatsip aamma Nunarsuarmi anguniakkat pillugit suliat 2020-2023-imi ingerlanneqaannarnissaat pilersaarutaavoq, kommunilli atuarfiisa ilinniartitsisut iPad-inik atuartitsinermi atuutilersitseqqartut akunnernik arlalinnik salliussiffigineqartariaqarput. Internettimut aqqutit nutaat pitsaasut, ungasissumiit atuartitseriaatsip nutaap Cranny Cloud-ip

allallu ungasissumiit atuartitsinermut suliniutit ukiuni aggersuni atorluarnerulissasut pilersaarutigineqarpoq.

Atuilluartuunissakkut kingunerisinnaasai

Kalaallit Nunaanni nunat immikkoortuisa avinngarussimanerat aammalu nunarsuup sinnera eqqarsaatigalugu, digitalimik ilinniarnissaq aammalu internettimik atuinissaq il.il. nunanut allanut sanilliullugu kalaallit nunaanni meeqqat atuarfiini suli pingaarnulerpoq. Innuttaasut amerlassusaasa killeqarnerata suli pingaarnulersippaa, Meeqqat atuarfiat pillugu Namminersorlutik Oqartussat kommunillu akornanni suleqatigiittoqarneratut kalaallit kommuuniisa qanittumik suleqatigiinnissaat.

Aningaasaqarnikkut allaffissornikkullu kingunerisinaasai

fFondinut qinnuteqaatit missingersuutillu siulliit ilutigaat, Qeqqata Kommunia misiliutitut suliniutinut assigiinngitsunut 4 mio. koruuninik pissarsissasoq, taakku ukiunut talimanut agguataarneqarnerini ukiup affaanut 400.000 koruunikkaassallutik. Aningaasalli taakku kommunit allat assigalugit appartittariaqarsimapput, ataatsimoorussamik suliniutinut aningaasaliissuteqarnissaq, suliniummik aqutsisumik atorfinittisinissarlu pisariaqarsimammata. Taamaalilluni inaarutaasumik Qeqqata Kommuniata ukiup affaanut 3,44 mio. koruunit imaluunniit 344.000 koruunit pisassarilerlugit, kingullermik aalajangiinerup kingorna, ukiup affaanut aqqanilinnut siammarterneqartussanngortunut. Missingersuut nutaaq siulersuisunit akuerineqassasoq Kivitsisami aqutsisoqatigiinnullu saqqummiunneqassasoq ukiup affaata iluani naatsorsuutigineqarpoq.

Allaffeqarfiup naliliinera

Allaffeqarfiup nalilerpaa, kommunit ataatsimoorussamik meeqqat atuarfianni suleqatigiinnissaat pisariaqartoq, Namminersorlutik Oqartussat ataanni ilinniartitaanermut suliffeqarfiit meeqqat atuarfiini pitsanngorsaannissamik anguniagalimmik sulinerulernissaannut. Immap naqqatigut kabelip Qeqqata Kommunianut kiisalu avammut ingerlateqqinneqarneratigut, digitalikkut periarfissanik atuisinnaanerup pitsanngoriaatigaa.

Allaffeqarfiup paasinninnerivaa, kommunit aammalu avataaniit suleqatigisat arlallit, minnerunngitsumillu Ilisimatusarfiup akornanni pitsaalluinnartumik suleqatigiinneq iluatsilluarsimasoq.

Innersuussut

Allaffeqarfiimmiit Ilinniartitaanermut ataatsimiititaliamut innersuussutigineqarpoq, suliniutip Kivitsisap sivitsorneqarnissaa killiffialu tusaatissatut tiguneqassasut.

Aalajangiineq

Tusaatissatut tiguneqarpoq.

Ilanngussat

Paasissutissiissutit

Punkt 05 Ulluunerani paaqqinnittarfiit pillugit tusarniaaneq

Journal nr. 44.00

Tunuliaqutaq

Ulluunerani paaqqinnittarfinnut tunngasuni pingasunik tusarniaasoqarnikuuvoq, taakku Qeqqata Kommuniata akissuteqarfiginikuuvai. Taakku paasissutissatut saqqummiunneqarput.

Maleruagassatigut tunngavigisaaq

Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq

Pissutsit atuuttut

Ulluunerani paaqqinniittarfiit pillugit tusarniaanerit pingasuusut kommunip tiginikuusai akissuteqarfiginikuusaalu tassapput:

1. Ulluunerani paaqqinnittarfiit pilersinneqartarnerat tulluarsagaaneralu aamma suleqatigiinnik pilersitsisarneq pillugit nalunaarut pillugu tusarniaanermi akissuteqaat
 2. Meeqquvinnit kommuninit namminersortunillu pigineqartunit ingerlatsinissamut kommunimik isumaqatigiissuteqartunik, kommunalbestyrelsen nalinginnaasumik perorsaanikkullu nakkutilliinera pillugu nalunaarutissatut siunnersuutip tusarniaassutigineqarnera
 3. Ulluunerani paaqqinnittarfinnut utaqquisut allattorsimaffiat pillugu tusarniaaneq pillugu tusarniaanermi akissuteqaat - EM2019 imm. 33 aamma 63.
- Meqqeriveqarfimmi sulisut suleqatigalugit tusarniaanerit pingasuusut tamarmik allaffissornikkut akineqarnikuupput.

Atuilluartaunissakkut kingunerisinnaasai

Aningaasaqarnikkut allaffissornikkullu kingunerisinaasai

Aningaasaqarnikkut kinguneqassanngilaq.

Allaffeqarfiup naliliinera

Tusarniaanernik pingasuunit tamanit tusarniaanermi akissuteqaatinik allaffeqarfik suliaqarnikuuvoq.

1. Ulluunerani paaqqinnittarfiit pilersinneqartarnerat tulluarsagaaneralu aamma suleqatigiinnik pilersitsisarneq pillugit nalunaarut pillugu tusarniaanermi akissuteqaat

Ataatsimiinnerit aqqutigalugit nalunaarut pillugu ingerlanermi peqataatinneqarsimanerput pillugu siullermik Qeqqata Kommuniata nuannaarutigaarput. Ingerlanermi siusissumik akuutinneqarneq nuannersuuvooq, aammalu annertuunik allannguutissat pillugit periusaajumaartoq aalajangersimasussaaq neriuutigaarput.

Nalunaarutip malitsigisassaattut tulluarsagaanermik ersarissaanermut ataatsimut kommuni iluarisimaarinnippoq, kisiannili immikkoortut ilaani tullinnguuttunik ilanngussassaarluni.

§ 4. imm. 2

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq nutarterneqassasoq naqissuserusupparput, taamaaillunilu meeqqamut ataatsimut inissamut sulisunillu amerlassusiliinermut naapetorlugu nalunaarummut tunngatillugu tulluuttunngussalluni. Inatsisartut inatsisaanni nr. 16-imi § 11 imm. 2-mi allassimavoq, Meeqquqeriviit meeqqanut ataatsimoortunut agguaanneqassapput, meeqquqerivinni meeqqat ataatsimoortut amerlanerpaamik 20-nik meerartaqarsinnaallutik, taassuma saniatigut sulisunik amerlassusiliinissamut piumasagaateqarpoq. Tamanna isumaqarpoq, amerlassusiliinernut inunnullu tapersersortaaasinnaasunut naammassappata, pisut ilaanni inimi ataatsimi meeqqat 20-usinnaapput inersimasullu sisamat tikillugit. Taanna ullutsinnut tulluannigilaq aamma ininut tunngatillugu tulluurtuunani, taakku amerlasuutigut piffissami inatsisip matuma siunertarisattut meeqqanik inimi amerlassusiliinerit affaata ataaniinnikuuneranni sanaartugaanikuullutik. Taamaattumik nalunaarut inatsillu amerlassusiliinernut inissanullu tunngatillugu imminnut tulluarsarneqassaaq.

§ 4 imm. 4-mut tunngatillugu tikkuarusupparput, meeqquqeriviit tamakkerlutik iggavimmik pisariaqartitsineq ajormata. Kommunitsinni illoqarfinni annerusuni nerisaqartitsineq suliariumannittussarsiuunnikuuvarput, taamaattumik taamatut pisoqarfiusuni atuutinnginnera pillugu allassimasoqartariaqaraluarpoq.

Pisuni taakkunani inissaq taanna ininut ataatsimoorussanut imaluunniit ininut ataatsimoortarfittut atorluarneqarsinnaavoq.

Nunaqarfinni paaqqinnittarfinnut meeraateqarfinnullu tunngatillugu sulisut amerlassusilerneqarnerannut kvadratmeterinullu tunngatillugu eqqunngilaq, nalunaarummi inissaqartitsinissamullu isumannaarinerup akornanni imminnut akerleriittoqarmat.

Nunaqarfinni paaqqinnitarfinni inissanik tulluarsaanissamut tunngatillugu tigussaanagerusumik immikkoornerusumillu, illunik tulluarsaanissamut ilitsersuutinik amigaateqarpugut. Ilitsersuut taamaattoq paatsooqatigiinninnernik pinngitsuuinissamut ikiuutaasinnaavoq.

Inatsisartut inatsisaanni ulluunerani paaqqinnittarfiit meeraateqarfiillu assigiinngillat. Tamanna isumaqarpoq, uagut kommunitsinni nunaqarfinni meeraateqarfiit pineqartillugit malittarisassat assigiit atuutsinneqannginneri. Taamaattumik isumaqarpugut nalunaarummi ersittariaqaraluartoq, ulluunerani paaqqinnittarfinni suut piumasagaataanersut aammalu maannakkumut sanilliullugu neqeroorutaasut annertunerusumik tarrarsorfiusariaqarput, inerikkiartuutaasumik neqeroorutitut tunngatillugu illoqarfinnisuulli nunaqarfinni meeqqat assinganik pisinnaatitaaffeqartariaqaraluarumata. Sumiiffimmi assinganik malittarisassaqarfiusariaqanngitsoq tassaavoq assersuutigalugu nunaqarfinni meeqqat qulit ataallugit paaqqinniffiusut, taakkunani angisuumik iggaveqarnissaq il.il. pisariaqanngilaq. Tamannattaq tunngavigalugu igaffimmiutut ilinniarsimanissamut aamma eqqiaanissamut atorfinitsitsinissamut amerlassusiliisoqartariaqanngilaq.

Tamatuma saniatigut isumaqarpugut, nunaqarfinni meeqqanut meeqquqerivimmiinneq ajortunut, angajoqqaatik ilagalugit sapaatip akunneranut akunnialunni meeqquqerivimmut takkussinnaanissaanut akeqanngitsumik periarfissinneqarnissaat neqeroorutaasariaqaraluartoq, meeraq misilinneqarsinnaaniassamat aammalu atualinnginnermi atualernissamut

piareersarneqarsinnaanissammat, kisianni aamma meeqqanik allanik ataatsimooqateqarnermik pilersitsisinnaaniassammata.

Nunaqarfinni inissanik nutaanik pilersitsisoqassappat, nunaqarfinni siunertaasut assigalugit pisariaqaraluarpoq, tassalu inerikkiartuutaasumik perorsaanikkut neqeroorutaassasoq.

Meeqqamut ataatsimut kvadratmerit amerlassusissaat pillugu imm. 3-mut tunngatilugu isumaqarpugut pitsaasuusoq, ulluinnarni pequtinik atorneqarnek ajortunik ajornartorsiutaasinnaammat, inissamik annikillisaataasarmata.

§ 7 Pinnguarterfeqarnissamik piumasaqaateqartoq pitsaasuvoq, meeqqat aammattaaq silami ineriartorsinnaanerannut eqqortumik avatangiiseqassammat. Kisianni kommunitut uagutsinnut piumasaqaatitaqarpoq, ulluunerani paaqqinnittarfiuteqaratta arlalinnik nutaanngilisunik pinnguarterfilinnik. Taamaattumik paaqqinnittarfiit ullutsinnut tulluurtunik pinnguarterfeqanngimmata, aningaasaqarnikkut uagutsinnit piumasaqaatitaqangaatsiassaaq. Taamaattumik kommunimut aningaasaqarnikkut kinguneqarnissaanik tusarniaanermi allakkamut isumaqataangilagut.

§9 Qasersartarfik sumiiffittut pitsaanusutut, tassani meeqqat eqqissisimaarfigisinnaasaattut aammalu assersuutigalugu aneerussiviinnarnut atorneqaannartussaannngitsoq allanneqassaaq.

§10 Init samisassaqtitsiviit paaqqinnittarfiutitsinni nutaarnerusumi amerlasuunituulli, aqutigineqartartutut atuutissanngilaq. Tassunga atatillugu qanoq iliussaagut? Taannartaami allannortissagutsigu, aamma akeqartussaavoq. Immaqa ilannguttariaqanngilaq. Taamaattorli isumaqarpugut, ulluunerani paaqqinnittarfinnik nutaanik illunut tunngatillugu eqqarsaatigineqarsinnaasoq, init taakku aammattaaq angajoqqaanik oqaloqateqarnermut, meeqqat immikkut pisariaqartitsisut pillugit ataatsimiinnernut atorneqarsinnaammata. Taakku saniatigut ulluunerani paaqqinnittarfiit ininik taamaattunik meeqqanik inerikkiartuutaasumik perorsaanermut atorsinnaapput.

§11 Inini meeqqat amerlassusiligaanerannut taarsiullugu nipikisaatitalinnik suliniuteqarnissaq pisariaqartutut isumaqarfiginngilarput, isumaqarpugulli, nutaanik sanaartornernut isumassarsialatsialaasoq. Taamaattorli illuni pioreersuni ilanngunneqassappata, aammaarluni kommunimut akeqartussaasoq.

§ 13 Suleqatigiinnik pilersitsinissamut tigussaasumik suliniuteqartoqarnissaa pitsaasuvoq, meeqqanut ataasiakkaanut ikiuunnissamut tunngatillugu pingaaruteqartoq. Kisianni quppersagaaqqanik, malitassanik aammalu paasissutissatut atortunik qanoq ilioqqissaarnissaq pillugu tigussaasunik ilitersuutinik amigaateqalaarpugut.

Qeqqata Kommuniani ukiuni arlalinni attaveqatigiittut naapeqatigiisitsinernik/suleqatigiittut napeqatigiisitsinernik ingerlatsinikuuvugut, Tamannalu ingammik Maniitsumi ingerlalluarnikuvoq. Meeraq pillugu ajornartorsiutinik sulisut misigisaqaraangamik aqutsisumik oqaloqateqartarput. Ataatsimiinnernut aqutsisoq aggersaasartuuvog. Taakku saniatigut Ernumassutsimut uuttuut tunngavigalugu qaammatikkaartumik nalunaarusiorqartarpoq, soorluttaaq siusinnerusukkut ataatsimiissimanerniit ingerlaavartumik malitseqartitsisoqartartoq.

2. Meeqquerivinni kommuninit namminersortunillu pigineqartunit ingerlatsinissamut kommunimik isumaqatigiissuteqartunik kommunalbestyrelsip nalinginnaasumik perorsaanikkullu nakkutilliinera pillugu nalunaarutissatut siunnersuutip tusarniaassutigineqarneranut akissuteqaat

Nalunaarutissatut siunnersuut kommunimit iluarisimaarneqarpoq. Nalunaarutip ilusilersorneqarneranut ingerlatsinermi peqataatinneqarluarsimalluta misigisimavugut, ilassutissatullu tunniunniukuusagut siunnersuummut ilanngunneqarsimallutik, taamaattumillu annertunerusumik oqaaseqaatissaqarata.

3. Ulluunerani paaqqinnittarfinnut utaqquisut allattaorsimaffiat pillugu tusarniaaneq pillugu tusarniaanermi akissuteqaatit pingasut - EM2019 imm. 33 aamma 63 Meqqeriveqarfimmi sulisut suelqatigalugit tusarniaanerit pingasuusut tamarmik allaffissornikkut akineqarnikuupput.

Suussutsinik allannguinnissaq pillugu siunnersuut Qeqqata Kommunianit iluarisimaarneqarpoq, kisianni tullinnguuttutigut oqaaseqaatissaqarluni.

Gruppiikkaartut katersoorneqarnissaat aammalu suussutsit ikinnerulernissaat pitsaasuusooq isumaqarpugut, iserternissamut tunngatillugu kiffaanngissuseqarnerulersitsimmat. Taamaaliornikkullu maanna inatsimmi suussuseqarnerusumiit, gruppiikkaat akornanni assigiinnngissuteqrpallaarani naleqqunnerulerluni.

Tassanngaannartunut inissanut tunngatillugu kommunip kissaatigivaa, qanoq ilisukkut tikeraamut inissaq aamma tassanngaannartumik inissaq pineqartarnerisooq ersarinnerusumik allanneqassasoq. Taakku saniatigut qanoq ilisukkut tikeraat inissat inissaanersooq nassuiarneqassasoq kissaatigineqarpoq, tassunga ilanngullugu tikeraanut inissaq qaammatini qassini atuuttuunissaa allanneqassasoq.

Gruppe a-mi atugarissaanermut immikkoortup suna akisussaaffigineraa angajoqqaallu suna akisussaaffigineraat pillugit ersarissumik akisussaasunut agguataarinermik suliaqartoqartariaqaraluarpoq. Tassanngaannartumik inissat atorneqarpiarneq ajortut ajornartorsiutaasinnaaneri kommunip misigisarpaa, taamaalillutillu meeqqat allat inissaannut tiguisarlutik ilutigitillugulu, inooqataanikkut eqqarsartaatsikkullu ineriartornissaat eqqarsaatigalugu meeqqat taakku ulluunerani paaqqinnittarfimmut takkutikulaarnerunissaat kissaatigineqarluni, ulluunerani paaqqinnittarfimmi perorsaanikkut sulisunit tapersersorneqarsinnaallutik.

Piffissani makkunani Coronamik ajulusoorfiup nalaani aammattaq paasivarput, inuiaqatigiit pisariaqartitsineranni tikeraanut inissat qaammatit pingasut sinnerlugit tunniunneqarsinnaaneri pisariaqarsinnaasoq, taamaalilluni pisuni taamaattuni immikkut ittunik akuersissuteqartoqarsinnaalluni.

Innersuussut

Suliaq ilinniartitaanermut ataatsimiititaliamut paasissutissiissutitut saqqummiunneqarpoq

**Aalajangiineq
Tusaatissatut tiguneqarpoq**

Ilanngussat

1. Tusarniaanermi akissuteqaat nalunaarut una pillugu
2. Meeqqerivinni kommuninit namminersortunillu pigineqartunit ingerlatsinissamut kommunimik isumaqatigiissuteqartunik, kommunalbestyrelsip nalinginnaasumik perorsaanikkullu nakkutilliinera pillugu nalunaarutissatut siunnersuutip tusarniaassutigineqarnera
3. Ulluunerani paaqqinnittarfinni utaqqisunut allattorsimaffik pillugu tusarniaaneq pillugu tusarniaanermi akissuteqaat - EM 2019 imm. 33 aamma 63

Imm. 06 Attaveqaatinut isumasioqatigiisitsineq pillugu ilisimatitsissut 2019

Journalnr. XX.XX

Tunuliaqutaq

Ukiorpassuarni Kalaallit Nunaanni kulturilerinermik suliaqartartorpassuarniit kissaatigineqarnikuuvoq, Kalaallit Nunaanni kulturimik siursaataasumik oqallittarfeqalernissaq, oqalliffik attaveqaateqarfiussaaq Kalaallit Nunaannilu kulturikkut pisuussutsinut ataatsimoortitsinerulertussaq Taamaammat 2018-mi apriliimi kommuninik tamanik aamma kulturikkullu suliaqartartunik attaveqaatinut Nuummi isumasioqatigiisitsinissamit Katuaq qaaqqusinikuuvoq. Attaveqaatinut isumasioqatigiisitsinermi assigiinngitsorpassuartigut Kalaallit Nunaanni, Danmarkimi nunani avannarlernilu.kulturikkut inooriaaserisaq saqqummiunneqarlunilu eqqartorneqarpoq. Kalallit Nunaanni nunanilu avannarlerni kulturilernermik suliaqartut peqataapput kulturikkullu sammisanik suliniutiniutinillu assigiinngitsunik,kiisalu nunat avannarliit suleqatiginerisigut aningaasaateqarfinniit aningaasanik qinnuteqarnissamut periarfissanik saqqummiussillutik.

2018-imi isumasioqatigiisitsinerup kinguneraa, peqataasut isumaqatigiimmata, siunissami kulturikkut suliaqartartunik attaveqaateqartartunik pilersitsisoqassasoq, siunissamilu ataveqaatinut isumasioqatigiisitsinermi Kalaallit Nunaanni kultureqarnerup qaffassartarnissaa suliniutigineqartassasoq, Kalaallit Nunaannilu kulturinik suliaqartartunut suleqatigiinnermi attaveqaateqarfik pilersinneqassasoq. Ajoraluartumik aaqqissuisut tungaanniit attaveqaatinut isumasioqatigiisitsineq siulleg pillugu imaqarniliortoqarsimanngilaq.

2018-imi novembarimi Nuummi Katuaq attaveqaatinut isumasioqatigiisitsinermik nutaamik aaqqissuusseqqippog, Kalaallit Nunaanni kulturikkut suliaqartartut peqataassaffigisaannik. Isumasioqatigiisitsinermi imaqarniliortoqarnikuuvoq.

2019-imi juunimi Katuaq Taseralik suleqatigaluu Sisimiuni attaveqaatinut isumasioqatigiisitsineqinnissamut aaqqissueqqippog, kulturikkut suliaqartartut naapisineqaqqillutik, pilersaarutigineqarporlu maajimi 2020 Ilulissani Kulturip illuani Sermermiuni attaveqaatinut isumasioqatigiisitsisoqassasoq.

Maleruagassatigut tunngavigisaq

Kulturikkut ingerlatsineq sunngiffimmilu sammisaqartitsineq pillugit Inatsisartut peqqussutaat nr. 5, 6 maj 2016-imeersoq.

Pissutsit atuuttut

Attaveqarneq aamma piginneqataaneq

Attaveqaateqarneq pillugu isumasioqatigiisitsinermi siulliit pingasuni kommunini allanilu suleqatigiiffinni soorlu NAPA-mi il.il. kulturikkut suliaqartut aggersarneqarneranni, kulturikkut suliaqartut attaveqaatigiinneq kulturikkut illorsuarmit Katuamit isumagineqarnikuuvoq. Suliffeqarfiit allat assersuutigalugu kommunit ataaniittut soorlu Sisimiuni nipilersornermik ilinniarfik Serravik, Sisimiuni peqataanissamut saqqummiinissamullu aggersarneqarnikuuvoq. Peqataaneq akeqanngilaq Sisimiunilu isumasioqatigiinneq Katuamit Taseralimmillu aningaasaliiffigineqarpoq. Ajoraluartumik kommuninit assigiinngitsunit peqataaneq nikerarnikuuvoq, kommunit ataasiakkaat tamarmik immikkut angalanermut najugaqarnermullu aningaasartuutitut akiliisussaammata.

Siunissami isumasioqatigiittarnissanik siunertaasoq tassaavoq, attaveqaatinik pitsaalluinnartunik pilersitsineq, taamaalilluta kulturikkut aqqissuussisartutut Kalaallit Nunaat akimorlugu suleqatigiinnermut sinaakkutinik nukittorsaasinnaaniassagatta, aammalu kulturikkut aqqissuussisartutut attaveqaatinik aammalu nunap iluani aqqissuussisartunik allanik attavinnik pilersitsinissamik pilersitsisinnaaniassagatta. Isumasioqatigiissitsineq nunatsinni kulturinut illunut, kommunini kulturimut suliaqartartunut kulturinullu suliffeqarfinnut naleqqussagaavoq. Kommunit aqqissuisullu tamarmik peqataanissaat suliaasaqatimmat pingaaruteqarpoq, Kalaallit Nunaannimi kulturikkut politikki/inooriaaseq naleqqussagassaasorujussuemat. Sunniuteqatigiinneq annertoq, sunngiffimmi pisortanit pigineqareersoq atorluarnerusariaqarpoq.

2020-ip tungaanut suliaasat siunissami [attaveqaateqarfimmik pilersitsissaaq](#). Domæne [kulturi.gl](#)-mik taallugu pisarineqarnikuuvoq. Suliaasaq alla tassaavoq, [Kalaallit Nunaanni kulturi pillugu nalunaarusiornissaq](#) kiisalu kulturimik suliaqarneq pillugu isumaqatissarsiortussanik pilersitsinisaq. *Aningaasaqarneq*

Attaveqaqatigiinnermik isumasioqatigiisitsinermut ingerlatsinissamullu aningaasanik ujjartuinissamik Katuaq suliaqarpoq. Angalanermut ineqarnermullu aningaasartuutitut peqataasut namminneq akiliisussaapput aammalu siunissami Attaveqaqatigiinnermut aningaasaliissutissanik suliaqartoqassaaq. Kulturikkut suliaqartunut Attaveqaqatigiinnermik isumasioqatigiinnissamut ingerlatsisarnissamut anguniagaavoq, ukiut tamaasa ingerlanneqartarnissaa aammalu 2020-mi Kulturikkut illorsuaq Sermermiut suleqatigalugu Ilulissani ingerlanneqassaaq. Attaveqaatit suleqatigalugit isumasioqatigiinnermi pilersaarutip imarisassaa suliarineqassaaq aammalu isumasioqatigiinnerni tamani avataanit saqqummiisunik attuumassuteqartunik peqartassaaq. Kulturip sunniutaa tunngavialu erseqqissarniarlugit, kulturimi naleqartitit oqaatigineqartassapput, assersuutigalugu aningaasaliinikkut tapiinikkuunngitsoq.

Naapeqatigiiffissat atortorissaarutillu

Soorlu maannakkut taamaattoq, Attaveqaqatigiilluni isumasioqatigiisitsinerit Kulturikkut illorsuarni pigineqareersuni assigiinngitsuni ingerlanneqartassaaq. Ilulissani isumasioqatigiinnissami tullermi kissaatigineqarpoq, najukkami kulturikkut suliaqartunik ataatsimeeqateqarsinnaanermut periarfissaqarnissaa. Naapeqatigiiffissat allat sammisassallu kommunit assigiinngitsut pilersaarutigisaat ilaatigut tassaavoq Qeqqata Kommunian: Kulturikkut pikialaartitsineq, Sisimiut Sommerfestival (tupersuarmi nipilersornikkut pikialaartitsineq), Sisimiut byfest, UNESCO-p nunarsuarmioqatigiinnut kingornutassiaa ukkataralugu, Arctic Sounds. Kommunit allat pilersaarutaat 2019-imi Attaveqaqatigiinneq pillugu isumasioqatigiinnermit imaqarniliami takuneqarsinnaapput.

Atuilluartuunissakkut kingunerisinnaasai

Attaveqaatinut isumasioqatigiisitsinermi peqataanerit atuilluartuunerussapput, Kalaallit Nunaanni kulturikkut aqqissuisartunik ineriartortitsinikkut tunaartaqarluni iliuusissanik pilersarusiornikkut suliniuteqartoqartariaqarmat. Illugiinni isumassarsiorfiussaaq, attaveqaqatigiinneq aningaasaliisinnaasunillu periarfissat aamma ersarinnerulersinneqassallutik.

Aningaasaqarnikkut allaffissornikkullu kingunerisinaasai

Sisimiunut aamma Maniitsumut 2020-mut missingersuutini tapiissutinut assigiinngitsunut kiisalu kulturikkut neqeroorutitut aningaasanik immikkoortitsisoqarnikuuvoq. Attaveqaqatigiinnermik isumasioqatigiisitsineq aqutigalugu suleqatigiinnikkut, aningaasaqarnikkut suleqatigiinnissamik isumaqatigiissut pilersinneqassaaq, kommunit allat kiisalu NAPA-p suleqatiginerisigut kulturikkut sammisanik amerlanernik pilersitsissalluni, kommunini nunarpullu tamakkerlugu aqqissuussanut suliniutinullu allanut ataqatigiisitsisussamik.

Angalanermut kiisalu najugaqarnermut aningaasartuutit saniatigut, attaveqaqatigiinnermut isumasioqatigiinnermi peqataaneq aningaasatigut kingunerisassaqaqqanngilaq.

Allaffeqarfiup naliliinera

Allaffeqarfiup nalilerpaa, sunngiffimmi pisortat kulturikkut suliaqarnermi attaveqaqatigiinnermik isumasioqatigiinnermut peqataanerat, siunissami kultureqarnermut sunngiffimmullu tunngasutigut ineriartortitsinissamut pingaaruteqartuusooq, soorlu aamma Meeqerivitsialaleriffimmi allaffimmiunut ukiut tamaasa isumasioqatigiisitsisoqarlunilu ataatsimiisitsisoqartartoq, Atuarficialak pillugu atuarfeqarfiit peqataatinneqartartut, Majoriaq pillugu centerlederit atatsimiinneranni aqutsisut peqataatinneqartartut. Attaveqaqatigiinnermik isumasioqatigiinnermut peqataanerit kommunimi kultureqarnikkut ineriartortitsinissamut, periarfissanik allatigullu aningaasaliissuteqarnissamik allarpassuarnillu pitsaanerusumik atorluaanissamut isumassarsiorfiulluassasooq.

Innersuussut

Allaffeqarfimmiit Ilinniartitaanermut ataatsimiititaliamut akuereqqullugu innersuussutigineqarpoq:

- Siunissami kulturikkut aqqissuussisartunut Attaveqaqatigiinnermut isumasioqatigiisinneqarnerini kommunini sunngiffimmi pisortat marluusut peqataatinneqartassasut aammalu
- kommunit kulturimut aningaasaliissutaasa erseqqissaanissaat siunertaralugu sunngiffimmi pisortat kommunimi kultureqarnikkut pilersaarummik suliaqassasut

Aalajangiineq

Tullissaanimut ataatsimiinnissamut fritidsinspektør nassuiaateqarnissaa kissaatigineqarpoq.

Innersuussut akuerineqarpoq.

Ilanngussat

1. Attaveqaatinut isumasioqatigiisitsinermi imaqarniliaq novembari 2018
2. Attaveqaatinut isumasioqatigiisitsinermi imaqarniliaq juuni 2019

Imm. 07 Siulittaasup februaarimi marsimilu 2020-mi avataaniit sulisoqarnissamut qinnuteqaatit pillugit aalajangiinera pillugu paasisutissiissut, Majoriaq Maniitsoq Sisimiullu.

Journal nr 67.01.03

Tunuliaqutaq

Maniitsumi februaarip arferngani 2020-mi marsillu aappaani 2020-mi avataanut sulisussarsiortut katillugit 17-inik qinnuteqartoqarpoq, taakkulu ataatsimiititaliami siulittaasumut saqqummiunneqarput.

Sisimiunilu avataanut sulisussarsiortut tallimat aamma ataatsimiititaliamut saqqummiunneqarput.

Maleruagassatigut tunngavigisag

- Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27, 30. oktobari 1992-meersoq.
- Kalaallit Nunaanni Suliffissarsiortut killilersimaarnissaat pillugu Namminersorlutik Oqartut Nalunaarutaat nr 24, 26 august 1993-imeersoq.
- Kalaallit Nunaanni Suliffissarsiortut killilersimaarnissaat pillugu inatsisartut inatsisaata allangortinneqarnera pillugu Inatsisartut inatsisaat nr. 27, 9. december 2015-imeersoq (sulisitsisut jobportal-imik atuinerat).

Pissutsit atuuttut

Suleriaaseq nalinginnaasoq naapertorlugu qinnuteqaatit Majoriamit tiguneqareernerme kingorna kommunit suliffissarsiuussisarfianut tamanut nassiuunneqartarput nivinngarneqarlutillu. Taassumalu saniatigut aamma Sisimiuni Maniitsumilu suliffissarsiuussisarfimmi suliffissaaleqisunut nalunaarsuiffiit misissorneqarput, suliffissarsiortulli qinnuteqartut piumasaat malillugit piginaasaqannginnamik innersuunneqanngillat.

Atorfinnulli taakkununga illoqarfimmi innuttaasuniit kommuniniilluunniit allaniit qinnuteqartoqarnikuunngilaq saaffiginnittoqarnikuunanilu.

Atorfiit inuttassarsiorneqartut qinnutigineqartut ataani takussutissiami takuneqarsinnaapput.

Maniitsumiit:

Suliffeqarfik qinnuteqarfik:	Atorfik qinnuteqarfigisag	Ulloq tiguneqarfia	piffissaq qinnuteqarfigisag:	Aalajangiineq:
Royal Greenland inuit 14-nit	Produktionsmedarbejderi	02. marts 2020	19.05.20 – 26.02.21	Akuersissutigineqarpoq.
Leong Entreprise inuit pingasut	Igasuni aqutsisoq, igasumut ikiortit	06 februaari 2020	19.05.20 – 19.05.21	Akuersissutigineqarpoq.

Sisimiuniit:

Suliffeqarfik qinnuteqarfik:	Atorfik qinnuteqarfigisag	Ulloq tiguneqarfia	piffissaq qinnuteqarfigisag:	Aalajangiineq:
Golden Seal International	Igasoq (kangiamiut nerisassiaat)	27. november 2019.	01.12.19- 01.12.20	Itigartinneqarpoq

Imaqarniliaq Ilinniartitaanermut ataatsimiititaliap April-ip. 14-ani 2020-imi ileqquusumik ataatsimiinnera 03/2020

ISI4U	Eqqiaasuni aqutsisoq	21. januar 2020	01.04.20-01.04.21	Akuersissutigineqarpoq.
Hotel Sisimiut	Igaffimmi ikiorti	21. oktober 2019	01.11.19-01.11.21	Akuersissutigineqarpoq.
Golden Seal International	Igasoq (kangiarmiut nerisassiaat)	27. november 2019.	01.12.20-01.12.20	Itigartinneqarpoq
PDK Invest	thaimiusut igasoq	17. decembari 2019	15.01.20-15.12.22	Itigartinneqarpoq

Qinnuteqartut tamarmik ataatsimiititaliaq sinnerlugu Ilinniartitaanermut ataatsimiititaliami siulittaasumut aalajangigassanngorlugit saqqumiunneqarput, suliamullu saqqumiussinerit najoqqutaralugit alaajangerneqarlutik

Qinnuteqaatit ataatsimiititaliamut paasissutissiissutitut matumunnga suliamut ataatsimut saqqumiunneqarput, suliamullu saqqumiussat qinnuteqaatillu ilanngusassatut ilannguneqarlutik.

Atuilluartuunissakkut kingunerisinnaasai

Nunami avataanit suliarortitsisarnissaq tunngavigissallugu atuilluartuunerunngilaq, nunanili allani sullissinermut atatillugu avataanit suliarortitsisarneq atortorujussuusarpaat. Qeqqata Kommuniani tunisassiorluni suliffeqarfinni sumiiffimmi sulisinnaasunik sulilersitsisarnissaq pillugu pitsaannerusumik suleqatigiinnissaq anguniarlugu ataatsimut ukkatarineqartariaqaraluarpoq.

Aningaasaqarnikkut allaffissornikkullu kingunerisinaasai

Kommuni qinnuteqaatinik suliaqartarnera, qinnuteqartunullu akissuteqartarnera aningaasatigut allaffissornikkullu annertuumik kinguneqanngilaq.

Allaffeqarfiup naliliinera

Allaffeqarfiup qinnuteqaatit Ilinniartitaanermut ataatsimiititaliamut paasissutissiissutitut ataatsimut saqqummiupai, innersuusutigalugulu ataatsimiititaliaq sinnerlugu siulittaasup aalangiinera tusaatissatut tiguneqassasoq.

Innersuussut

Ilinniartitaanermut ataatsimiititaliamut innersuusutigineqarpoq, ataatsimiititaliaq sinnerlugu siulittaasup avataaniit sulisoqarnissamut qinnuteqaatit, takussutissiami ersersinneqartut pillugit aalangiinera tusaatissatut tiguneqassasut.

Aalangiineq

Tusaatissatut tiguneqarpoq.

Ilanngussat

- 1 A. Suli at saqqummiussat 22-it avataaniit sulisoqarnissamut qinnuteqaatinut tunngasut siulittaasumut saqqummiuneqarnikut
- 1 B. Suli at saqqummiussat 22-it avataaniit sulisoqarnissamut qinnuteqaatinut tunngasut siulittaasumut saqqummiuneqarnikut
- 2 A. Suli.gl aqqutigalugu qinnuteqarnerit 22-it
- 2 B. Suli.gl aqqutigalugu qinnuteqarnerit 22-it

Imm. 08 Tamalaat

Ruth Heilmann apeqquteqarpoq Majoriarmiut ilaasarnissaat.

Majoriamiit Bitten aammalu Frederik ilaasalernissaat piumasarineqarpoq, Suliffissaaleqisut saqqummiullugit.

Frederik Olsen apeqquteqarpoq atuarfiit Corona peqquqatigalugu matoqqatinneqarnerat pillugu.

Atuarfiit matuneqarneranni atuartut pensum pillugit Qeqqata Kommuniani fjernundervisning ingerlanneqarpoq atuartitsissutini hovedfag-it. 27. April misilitsinneq ingerlanneqartussa q allattariarsorneraq paasiniarneqarpoq Ilinniartsitaanermut aqutsisoqarfimmiit ingerlanneqassanersoq. Ilinniartsitaanermut aqutsisoqarfimmiit tusagaq malillugu ingerlariaqqittoqassaaq.

Frederik Olsen Kilaaseqqap Atuarfia pillugu apeqquteqarpoq.

Atuarfik Kilaaseqqap nutartinneqarnerani bygherreudvalg qinnuteqartunut tunngatillugu naapissapput.

Sofie Dorthe R. Olsen Nutaaliorfeeraq kollegie 18 ataallugit ukiullit suliaq sumut killinersoq.

Apeqqutigineqartoq allattoqarfimmiit akineqarpoq.

Ataatsimiinneq naavoq nal.: 09:50